

安般移詩續鈔

安般經集目錄

詩續丙

歲朝立春

賦得春星帶草堂

東解北窗外土山率爾成咏

題友人書庫

六言示江荔薌

東軒曉起

朝鮮使臣徐相雨祭書圖

代

東園

言和丁  
早入左掖門

壯士

白海棠

牆內老槐

丁香花

次韻易實甫蜀中見寄

追錄

偶咏城西寓舍草木四絕句

四譯館夜坐

寄友人

土山

有竹軒雜興

三月二十九日

廨舍有小亭居鐘樓巔下接眾木之杪頗可望遠戲

題曰木杪亭

獨遊華嚴寺

東軒卽事

四月十八日移床西齋

別東園樹木

別土山

徐亞陶曹郎七十初度作詩遺之

少宰宜興周公挽詩

日來寓直於西偏儲材館乃故相瀋陽文文忠公所  
建感歎有詩拉雜書之不復詮次

偶題

謝同里葉丈餉野朮

漫書絕句

十刹海登水閣子口占一首

枯坐一首

戲作一首

又

護國寺羅漢松

謝人惠筆墨

憶昨游一首寄松岑戍所

又寄二首

懷繩庵學士

獨往

物搜

汪郎亭閣學奉使廣東臨發新納姬人爲作小游仙

詩十二首

雜興

讀後漢書方術傳下

逃暑

典午

次韻心穎南歸留別

不如且枯坐

通州張潤之封翁七十詩

孫徵君詩

并引

挽張芝浦方伯丈

四明張遜軒孝廉往者同學湖上今年六十矣而著  
書滿篋贈之以詩

座主南皮尙書遺鮮荔支三百顆自粵之燕旬日而  
達色香味俱未變也走筆賦長歌爲謝

復游東園二首

心在

賦得柳邊人歇待船歸

碧池

示漣上人

寄呂定子丈

送胡員外辭官歸上虞省母

城西荒灣積水氣象野逸與市朝遠便於散官僕移

居於此區一年矣昨逆旅主人云將以此屋質於他  
姓審爾卜居亦殊費力主人謝客客殆不免適適然  
驚邪一笑作詩

贈朱鼎父侍御

時以言  
事左遷

懷瀨上西村

錢光祿丈輦灣觀荷圖

又極樂寺看花圖

避俗

鼎父同年將南歸省覲走筆作歌送之近以困於吏  
役目暝意倦追述昔游頗忝失次知我者或不以爲

嫌邪

重送一首

感舊二首

野菊

欲效

鼎父臨別以坐卧具見遺復作六言絕句四首

喜松岑赦還至自塞上率成五首

過潘孺老舊居裴徊久之時君歸瓊儋間已五年矣  
有懷而作

追懷薛桑根先生丙寅丁卯閒湖上讌游之樂

寄酬張通副時奉使美日秘三國卽題其羊城話別  
圖後

臘不盡十日雪中西郊眺望

矮松

座主崇公家小園中有花窖茅檐土壁製作樸野而  
天趣盎然小坐口占一絕

歲除日

安般簪集

詩續丙

芳郭鈍交

歲朝立春

丙戌

舊人難得迎新歲  
澹澹庭梅初作花  
況值青瑯擁翠節  
乘雲夜讌東皇家  
東風吹破冰澌碧  
張樂扶桑挂瑤席  
仙官手摘星  
貫珠化作齋前五色石

時舉學生子  
求匝月而殤

賦得春星帶草堂

西郊白馬寺南郭  
碧雞坊風定星猶颭  
窗虛室自光玉繩  
斜屋角銀燭映林塘  
剝啄無人過幽栖  
意味長

東廊北窗外土山率爾成咏

詩續丙

六

小澗集

茲山雖尋初蔥籠一壑委丹檻依喬木寒巢宿歸雌夜靜  
疏竹鳴如流冰谷澌惜無淮南術下鑿鍊丹池聊作園令  
隱薤靡青莎滋迹滯抑末累神超冥象奇碧城塵白遠玉  
樹蔭方移

題友人書庫

種桃何術成靈源春滿巖中無雜樹古人聖處眇獨智揚子  
由於獨智入自聖門豈在盡通百家語勸君莫驚智無涯薄暮未知  
止泊處要窮日月鍊精魄假術修心發深悟蒙莊讚老子之於道至矣  
而猶假至言以修心此即多識前言往行以畜德之意非  
是則懼外憂侵誠焚吾和也石齋黃先生懿畜篇由之以  
作日用曹溪半句亡晴窗一片風花度

六言示江荔薌

富陽人時爲  
教習東館

莫笑廣文冷署還欣列子連牆一枕冷風忽送煙簑雨笠

江鄉

洲前梅蘂舒白沙上桃枝吐紅各有奇春一段潭洞槎牙

腹中

富陽南岸桃花開時爛漫十里  
吾邑有九里梅花洲足以相敵

東軒曉起

城居何異林藪屋後叢叢小山知否蓬萊左股夜來飛墮

人間

犬吠籬門新月雅翻庭樹殘霜且復據梧坐嘯犢車歸趁

斜陽

朝鮮使臣徐閣讀相兩祭書圖

代友人題

樂浪雲氣頽雞林碧樹彫槎客千里至鳴玉奏煙霄東維  
有珍韞適館永今朝菰蘆仗奇士龜沛望孤標袖中風后  
經談笑卻天驕神奇破竹紫恥作湘東蕭錦暉十萬卷斫  
柱嗤摧燒遑論蛻與島祭文享蟲雕待看鯨掣浪目笑鵠  
栖茗

古言出巖壁古心聲金石何以摯古人賴有千載籍頽波  
何虹洞異說淆方策誰知東方士墨守羣聖觚豺獮不忘  
本何況媚學客經神俎何休僞體桃枝隤玉梅三百樹遶  
君蒼山宅丹邱篆吞胸乳竇環歆液一片清瑩心方潭秋

月白饒蛟戒狙伺歌吹釀鋒鏑爲政先正名籌邊術宜擇  
翩然游上都劍騎光馬奕歸去石室春抱殘欣有獲

東園

東園翠起候星臺雲影林光豁復開天遣沈冥漆園吏花

時更挈小蠻來

酒榼也

浮青一笠界莓苔

山上有小亭

一日須登一百迴忽發狂言玉

女笑披襟坐對竹風開

早入左掖門

掾曹雁鷺有程期高柳疏星曙影移皎皎直心依土觀溶  
溶太液漲春遲賈生五餌言甯切鼂令三長論已枝太息

書生空雀鼠幾曾抗議補時危

壯士

壯士不復射狂潮百金黃肩嗟已昭晶晶日光四溟合索  
索雲氣九邊彫石田何處黃鶴啄花苑正散紫宸朝何時  
盡錄天驕惡神武春祠用一梟

白海棠

何年蟠結此齋前月下頽雲翠鞦肩伴我松明燒寂寞無  
人錦障與迴旋亭亭不改太素色睽睽欲下長庚仙銜子  
何須定黃鵠故將避世老嬋娟

牆內老槐

秋收靈液藏一殼春弄密葉垂千條託根雖不得其所呼  
吸自透青雲霄

丁香花

東園亭子露將晞一樹凌風翦舞衣離披春桂瓊四出錯  
落雜佩碧成圍山蜂欲醉抱香去行蟻無心噙瓣歸閱盡  
人間春似水不如乘霧逐靈妃

次韻易實甫蜀中見寄

追錄

年少才函雅郎潛位應星枉君蜀道作感我草堂靈諧世  
羞三術窮年慕一經匡時付君輩祇欲老沈冥

偶咏城西寓舍草木四絕句

次第花開八九枝。關他韓氏好辛夷。縱饒爛漫紅千葉。只愛小松曾入詩。

主人耆好頗妨俗。祇合挂冠神武門。宿留卻爲閑草木。綠窗疏影伴黃昏。

故鄉無墅可棲遲。充隱王城素飽嗤。收泣新亭向誰語。漫攜蠻榼挂高枝。

花爲園主我爲賓。主客听然一笑親。更買湖嵌供露坐。待栽瀟碧媚煙晨。

#### 四譯館夜坐

元雖未草常耽寂。白欲生虛久愛閑。吏散庭空花自落。據

梧一剝叩瀉山

寄友人

鄧公孤且直衰俗起痿痹生在叢枳閒不改丹橘味馳驅  
瘴雲鄉虵蠱吁可畏投老戀

君恩千譴忤時議拾遺不敢忘翦副看薈蔚九重披琅玕  
安得生兩翅

土山

略如高岸擁浮槎晚照西軒倒射霞夕飲冰人忙孰過朝  
餐濯客適何涯新巢得意山鵲鵲翠藟無名野草花卻似  
荒蹊落蒼耳遶林一市手頻叉

有竹軒雜興

池涸尙黏萍點點岸涼正對竹娟娟  
春禽溷掠薔薇雨晚蝶香棲苜蓿煙  
物情瓊細各自媚壯志蕉萃難爲妍  
漫借官齋爲道院夜來皓月碧缸圓

三月二十九日

餘花三兩驚人眼好樹清陰障日圓  
隔屋書聲琅似磬暮春花市散如煙  
似人楚語皆堪喜避世仙方莫浪傳  
何必步兵廚始醉俗塵戰勝午窗眠

廨舍有小亭居鐘樓巔下接眾木之杪頗可望遠戲題曰木杪亭

蟻國槐中觀物化  
鹿亡蕉底葆天和  
登臨談宕山來少  
風日清妍所得多  
萬瓦鬱蟠浮陸海  
四圍新綠俯交柯  
羣山王氣盧龍塞  
表裏高明一放歌

獨遊華嚴寺

衰王不常嗤桔梗  
世身皆脆悟芭蕉  
獨尋疏磬穿林至  
小住芒屨遠市囂  
經葉蠶穿僧廢律  
花光凌亂客攀條  
呼僮沽酒日西去  
綠荔支攜春一瓢

東軒卽事

芳樹倚房櫳  
新花鬥小紅  
雅嘯修竹裏  
人語綠陰中  
世法象拘淖  
妄心蛇幻弓  
聊資一宿覺  
暫釋百愁攻

四月十八日移床西齋

海鳥樂菰蒲何心饗金奏偶緣避風濤暫止託雲構多謝  
主人賢飲啄朝夕厚卑栖所甘微報慙未售蝸牛無定  
居相宇角左右焉知棟梁橈浪逐晴雨走一枝良可巢敢  
云達士守枕簟有餘涼槐陰覆清晝脩脩白日靜文卷罷  
銜袖不待炷鑪薰觀心鉏昨謬

別東園樹木

槐蟻雨改穴不出旋磨中有時阻蹢躅水涸俄復通但憐  
舊所止竹木鬱蔥蔥望之何暢然便擬息微躬居此得幾  
旬又覓瓜牛宮勞生懺營營波流浩難窮但媿綠卿意媚

我玉一叢欲去還稍住芳懷與誰同放汝千雲霄勿媒斤  
斧攻攀條十年待誰駐童顏紅雙丸挂北枝百舌瘖南風  
年運而往矣衰榮付天工

別土山

土山不世情何如定林好

白下二定林寺之交有土山荆公曾作詩予昔游而樂之有卜

居之志

寄此塵市內看人幾回老上有芳樹林鼠耳到合抱

山陰饒佳花山陽積煙草招我幾清晨熨我顏色槁亦有

講肆勤江

荔謝采鄉謝封

才絕倒相與茗一甌風軒澹卻掃談空

撥灰芋說怪微海棗定林不可攀旅懷空浩浩歎息別孱

顏吾其訪園皓

徐亞陶曹郎七十初度作詩遺之

京洛一塵中幾人全其真擾擾昨暮兒繫著名與身且飲  
且田獵昔夢俄已晨素旣染爲緇柱復摧爲薪獨有亞陶  
叟飲酒得真醕坐嘯白雲司倒岸烏角巾主客豈清秋同  
落樊籠塵張南與周北諧笑漸相親得君野鶴姿坐忘餓  
鳴臙秩雖後千品氣欲劇百秦觀奕楸樹下攜壺小池潛  
雪穿東郭履山劈南田皺摘荷十剎翠移竹兩竿春買醉  
得窮年爲郎老踐踐金魚壓玉帶花勝簇生新不嫌白髮  
短未覺青春貧吾欲攜叟去西山刷嶙峋探碑翠微寺竈  
釀蒼松根

俗陵時得異人獻釀酒法以佳釀蓋封  
掘深山古松下數尺許埋之年久得茯苓氣色

如虎魄飲之令人難老杖引泉的鑠鉏翻芋玢璘振衣逍遙谷散髻  
寂寞濱陰厓肱石笈修瀑弄天紳有蛟自可曾有鯨亦可  
緡勿嗤龍鍾憊能使王風馴千金國工繙晚作洛社民何  
必靖長官始脫五湖因龜堂息無聲掌粟鳥啄頻用顧懽事  
看白鷺下卻飮青精勻吹笛響震谷騎牛草鋪茵還隨地  
仙去不知孰爲賓

少宰宜興周公挽詩

鈔胥擊脫不能供口授文書若撥蠹曾活萬人門必大見  
推一藝鑿何工國山碑有重臨木陽羨溪無半畝宮廉吏  
可爲遽如許隻雞他日酹橋公

日來寓直於西偏儲材館乃故相瀋陽文文忠公所  
建感歎有詩拉雜書之不復詮次

虎賁寓直借蘭房屋勢連雲卻向陽小住偷閒聊卻掃靜  
中晏坐漫然香

百年應得養士報拓築金臺用意長卜士有爲先自重莫  
驅雞鷺啄黃梁

批時表列富兼蘇馬格權奇孰應圖

同治甲戌文忠筵言  
取材能得如宋臣富

弼蘇轍通知大體者庶  
於時事有所裨益云云不憚批鱗作危論知公風節立朝

孤

不數竹西禮賢館豈仿南都史道鄰佳賓何處得侯計侯方

東域計  
牆下森森竹似人

中原雲氣黯銷凝  
鴉鵲喧啾閣幾層  
海上孤鴻飢不顧  
想嫌觸霧墮炎蒸

人物幾見道咸前  
唐邵曾吳氣凜然

謂確慎位西文  
正竹如諸老蕭瑟

棘門何所恃  
夏蟲閒暇議冰年

人言綆短汲深  
登搢搢騎危不自休  
今信老臣謀國意  
百年喬木竟荒邱

柱下面壁信行藏  
執戟猶慙漫作郎  
一雨庭莎如髮翠  
光風侵入小藤床

午眠一晌竹風清  
兀兀暫時心太平  
莫恠杜鵑橋上語  
動

言卷下  
君嘗膽枕戈情

金甌無事覺長圓  
漆女深憂眾不憐  
畢竟武皇誰得似  
土崩諭賞徐生賢

大安十五年前語  
吳竹如侍郎  
蒼海橫流一至斯  
夜望天河訖

槎客水邊精衛近安之

禮樂聲明七百年  
大都人物幾凌煙

君王若問乘邊將  
未老馮唐欲薦賢

偶題

宋賢之詩宋書勢  
光鉅發露無留餘  
卻看漢晉筆高簡  
桐閒露沐柳風梳

時代漸降藝能衰以巧破質污靈臺熱然髣髴勝人處物  
未生時花未胎

謝同里葉丈餉野朮

知別故山久開予物外情蕭然致白朮歸去堀黃精獸狀  
白雲荔函封青李生欲訓無長物願伴採芝行

漫書絕句

渴鹿奔陽燄飛蛾投燭光君看刹那頃眩轉百千場

十刹海登水閣子口占一首

誰知五月王城裏淥水紅橋畫不成欲買江南黃篾舫醉  
眠盡日檻前橫一蟬不鳴林轉寂雙鷺忽起塢邊明那羨

岑參漢陂樂波濤直是恐人行

枯坐一首

境以寂成樂吏舍如招提烏將鵲啄啄苔染草萋萋井苦  
汲者少園荒鉏懶攜惟應曲肱坐歸夢泛西溪

戲作一首

談哈爲病祟方皇管子曾無辟鬼方切莫輕投葛陂杖眾  
魔遮道殺長房

又

道高一尺魔高丈要以攻心爲上策劉融齋先生著牖崖  
子有他鬼我鬼之喻  
先去我鬼而後他鬼不生此探源之論較之山鬼伎倆有  
限老僧不見不聞之說更助進一層公出世人乃亦見及

此耶洵所謂惟天下之辯  
者乃能觀微而知著也  
喝破秋墳鬼唱詩鐵圍山倚摩  
圍碧

又

彌天那有龍城守四海但說婆羅門不須演孔刮老佛且  
著阮瞻無鬼論

護國寺羅漢松

北人觀書眼似月南士隱酒氣如龍而今人物渺然處  
有元朝北寺松

謝人惠筆墨

鏤畫冰脂費文辭栗帛慙曾無經世用轉枉助思覃銀管

異人記漆書奇字參散郎無月給兀兀老花南

憶昨游一首寄松岑戍所

憶昨紅樓聽夜雨花枝重疊隱窗紗層城迢遞催歌管曲  
巷分明走鉤車說劍圖成紅粉笑門詩草就玉繩斜鳳城  
此夕看雞塞兩影蕭蕭鬢各華

又寄二首

懺余綺語都消盡梵夾清齋掾廨中長憶榆園幾易主十  
圍籠翠一樽空花落城南關雞道草生塞上牧羝叢蛟盤  
筆勢應加健卻望文姬返漢宮

筆勢屈強撥戈鉞種柳白檀多歲年虎頭身在心猶壯蠶

尾詩成句入禪松欲生鱗

惠陵道

元年

惠陵聖德神功碑成史館知君工篆檄題額字如張皋文先生故事

鶴猶未

返禁城煙稷門爲報稀三絕待起台州老鄭虔

### 懷繩庵學士

疾雷應是不終朝湛露還晞下九霄直節生憐門爵雀撥

蒙幾見弁垂貂春蘭秋菊無時絕北斗南箕自古謠鸚鵡

聲催人去盡今餘錄錄抱關齋

王仲翁譏蕭長倩曰不肯錄錄反抱關爲

### 獨往

曉謂飄然出昏仍局促歸劇憐魚跳網那得驚忘機簷碧

林檎壓窗紅木槿圍平生期獨往一笑事多違

東坡詩正如此魚跳

網中未與造  
物游數外

物攫

將心不挂物物我兩相攫不如聽物至物卻我還羸籬角  
竹短短石床莎冥冥齋心入枯木蠅睫乃聞霆

汪郎亭閣學奉使廣東臨發新納姬人爲作小游仙  
詩十二首

碧油幢引向西樵神女無端奏玉簫想爲金堂仙寂寞戲  
招煙玉暝清宵  
巢痕欲別鳳池頭鍼孔還添牛女樓珍重芻尼好裝束支  
機石畔造方舟

朝來行雨洗朱幡  
小字蘭苔刻篆痕  
想逐輕紅荔支去  
伴君一笑海南村

前身詞客老維摩  
碧海浮幢偶欲波  
筆底繽紛花灑灑  
何如天女散來多

詞頭夜下承明廬  
然燭頻修中祕書  
知否丹成洞天住  
看花影入瓢餘

細葛香羅疊似雲  
侍臣霑賜禁中分  
今朝一段光凌亂  
退直歸詒到細君

未餐海色到羅浮  
先泛蘭橈潞上舟  
西岫晚來霞一片  
小紅桃暈鬢邊收

倚徧三山更十洲公家楚尾又吳頭何當一舸垂虹去只  
載明珠不載愁

使星臨發又添星顏欲回朱鏡裏屏嶺嶠名山待題徧荔  
支初熟雨冥冥

軒車五嶽已遊三補乞羅浮白鶴驂江似青羅迴作帶山  
如碧玉聳成簪

閑嘲小德記涪皤黃山谷事絡秀不妨無外家蘭玉他年榮成

列何須姪女鍊黃芽

絳幔經師帶草香種桃爛漫已千行飛觴此夕傳花勝應  
許彭宣到後堂

雜興

朱果綠房簷角垂  
疏松瘦石側  
盆池池受青天雲  
澹沱松亞碧  
槿樹參差日  
高花影貓相乳  
風動林衣鵲  
闌枝鈍翁小  
極還幽興攜  
藤逸徑一尋  
詩

近自署芳  
郭鍾叟

讀後漢書方術傳下

青牛道士來行藥  
白鹿真人好種松  
何似收身一壺裏  
閉門千息自濛濛

逃暑

何處堪逃暑  
華嚴海色涼  
人間春夢短  
敲枕北窗長

典午

典午休言人物空阿龍超又謝公融尋常作用能迴俗蒲  
扇練衣一笑中

次韻心賴南歸留別

直節生來絕傍依天泉歸去叩王畿請看棘下麒麟植何  
似山中薜荔衣養到澗松寒轉好招君野鶴倦還飛暫時  
分手東門道莫漫長歌和采薇

不如且枯坐

佳花令人悲美酒令人怒胡獨憖吾和豈伊一身故悲者  
悲黔首飢鴻號編戶怒者怒島裔脂膏汝腹取霜風摧槁  
葉勺水漑焦土跛牂牧太山穴蟻隄不禦邇來朝鼓失眠

眠誰令此憂遣 君父旣不能作北平壯士百步穀黃眉  
復不能效西涼主簿一搗迴白羽散木虛生塵世閒已拚  
老作秋草腐得時爲虎失時鼠蝸角紛紛安足數朝騎一  
馬出排雲欲踰天關路雲霧晦冥無所遇將安歸兮白日  
暮從此罷看東鄰花亦復不買西鄰醕不如隨緣且枯坐  
定中天光發泰宇君不聞巨唐李生解高歌獵豎不能絀  
龍虎拂衣試覓澹宕人莫遣青山偃蹇入官府

高人常時不肯入官府

坡公詩青山偃蹇如

### 通州張潤之封翁七十詩

殿前鳴佩玉不如農圃賢形神悴簿領不如林皋全海陵

有逸叟名氏畏世傳子各治一藝屋不踰三椽衣冠入簡  
古詩句偶蒼堅馴鹿守先隴騎牛巡溪田出門鄉里敬結  
交皆華顛竹徑尋蔣詡松窗述譙辛鑪有青城芋人疑絳  
縣年行戒玉抵鵲心如珠養淵未嘗入州府何事求神仙

孫徵君詩

并引

容城孫鍾元先生古之義士也不當以講學家目之  
先生自敘謂少始讀書亦嘗妄意青紫自分骨脆膽  
弱遂隱於舉人者七十餘年殆寓言也當其舉幡集  
金救楊左目豈脆弱者所勝爲哉琴家有夏峯歌不  
知者以爲尹芝仙作予斷以爲先生筆其詞曰東海

西山蓋自託於邯鄲玉貌首陽餓夫也曰歷數漢唐  
宋元不忍言故國也曰蕭然一榻臥西窗下第見東  
牖南軒雙丸出沒此非如邵堯夫玩弄光景語蓋如  
諸葛觀終身不面北而坐也直哉先生

聖祖皇帝欲致之不可得歎息以爲天下大布衣宜矣彼  
昏昏仕宦草間偷活沐浴佩玉昧君臣之義者自以  
爲垂老筋力猶未脆弱其喪心眇眇何如哉先生之  
志螻蛄于亂朝而誼不委贄二姓蜚遯于

聖世而情不忘故君雖與日月爭光可也贊歎之不足復  
系以詩

斯人明代棄徒令成勁節亡國各自賢其臣何知日光與  
玉潔少游高陽門晚臥夏峯雪不仕

神功聖德朝迹晦神藏何勇決

挽張芝浦方伯丈

人生非木石太上媿忘情看君裁半百物化令人驚昔日  
酒人游倏忽異衰榮天高鬼神惡外憂恐侵誠所以青雲  
士蹈仁一身輕傳道謝史筆閉門守元經曲肱聽松風外  
物不吾撓

四明張蘧軒孝廉往者同學湖上今年六十矣而著  
書滿篋贈之以詩

風雨精廬隔屋燈廿年影事記猶能經生老去朱雲健禪  
味參來黃蘗曾收取治安歸棐几戲拈方略哢瓜膾著書  
應待朝廷索日費傳鈔幾許緡

悔于浪跡薜南北輸子元亭閱古今儒術早知青紫賤鬢  
毛何故雪霜侵破除所習孤標出隲括爲言萬物瘖行欲  
從公林下去汲絪懸水不辭深

浙東自有導岷手諸老股勤竹素留七觀數誰賡伯厚九  
題邀子和梨洲春蘭秋菊音塵在白石清泉日夜流落落

張黃

元同與  
君齊名

星向曙試迴劍氣紫衝牛

兜離海國雜羶腥不如閉門長抱經二萬一全新吐納六

舊三韭舊英靈結埼南關鶯花墅台嶽東開雲錦屏欲瀉  
滄溟入杯杓千年與公同醉醒

座主尙書南皮公遺鮮荔支三百顆自粵之燕旬日  
而達色香味俱未變也走筆賦長歌爲謝

尙書胸有千鱗甲森然列仗武庫中前年坐籌日南役氣  
撝西日還於東機鈴出沒龍虎窟雷電搜攪蛟鼉宮山川  
清明草木靜復遭萬里耕桑同六奇不盡玉帳祕猶憾早  
挂扶桑弓不然炎維斬鼉足截樂一柱磨青銅直使西域  
佳花種赤縣不數漢殿爛漫蒲桃叢今年馬人龍戶得飽  
餽村村擊鼓歌年豐從容羽扇軍府暇荔子紅綻林園風

戲驅南方草木到北極瓊漿潤酒原思窮閑情復忽被野  
鷺銜子逕欲煩飛鴻鐵函蠟解顏色活媚媚露折千枝空  
冷如霜沁甘比蜜生剝箬裹辭函封輕紅肌對酒重碧猶  
帶羅浮煙雨青濛濛但疑中有曹溪泉一滴澡濯靈府斐  
翠蒙時危光輝滅

玉食大臣濟時成歲功散官無補媿素飽對此未敢營新  
酬分貽僚友敘恩息以榮師賜霑春融致此者誰李元禮  
仲約學士丈遣一力攜致與公熊耳開雙峯桐廬野夫無世用但思種

果儕畦僮願公整頓濟時了手驅海若觀海童越裳翡翠  
入天府上林玉柰迴青蔥草書苦乏青李帖空首欲

報還恩恩

復游東園二首

秋光爛漫忽驚眼數月不到東園中  
葵子彫房半蟲蟻蓼花緣砌能白紅  
采樵誰識范記室策杖獨來張長公  
閒遶土山還一市始辨瘦蝶菜畦風

無人朱弦激枯桐稚金敷涼秋已中  
夏鷗尙留鶴頂赤秋纈看到雁來紅  
瓜架豆籬宜野客煙苗露荷乞園公  
綠天深處可充隱弱柳舞衣迎晚風

心在

身羈束牘千重笏心在寒畦幾稜稜  
乾笑彥龍西邸掾坐

輸元亮北窗風

賦得柳邊人歇待船歸

改勁姪  
夏課

一簇行人歇遙青罨夕暉欲攀垂柳待徐聽畫船歸未覺  
波喧棹非貪汁染衣攢眠煙草接鷗鷺浪花飛障日移樵  
擔迎颼候釣磯偶聞蟬破寂暫遣瀟忘機何處迴颿摻相  
看倦鳥稀鹿門應未遠欲渡更依依

綠荷包飯客穿柳晚知歸小艇鷗邊待斜陽鳥外微遙喧  
楓葉渡小立蓼花磯淨岸應憐彼來途旋覺非白沙連渚  
色碧樹思塵機拂地知冠礙衝煙誤槩飛弛擔眠藉草怪  
檝臥生衣便欲浮杯去風波與世違

碧池

夜半庭雅起翻翻樹影移疏鐘穿樹至殘月近窗窺世濁  
經多礙人訛史亦枝碧池裝古簡祇以自諧嬰

示漣上人

勞生久欲觀河陂世事真同算海沙輸與西林方外榻一  
籬瘦影弄黃花

交游盡散陶方喜戶祝紛投楚轉嫌傾倒世人鹽味錯不  
知更覓水中鹽

寄呂定子丈

衰微猶幸及撰緣老學蘭陵晚更博但祝鹿裘娛九十更

煩犀甲董三千

時筦領水師學堂

網羅國故搜胡虜擺落兵家笑

李筌聞道華陽新種尤前游相約續孫洲

送胡員外辭官歸上虞省母

飄然一棹東州去暫脫朝衫著綠衣懷裏諛君丹橘好望  
中懺我白雲非著書仲任甘辭秩解帶周磐旋息機歸趁  
梁湖正秋色長腰米熟笑頭肥

城西荒灣積水氣象野逸與市朝遠便於散官僕移  
居於此匝一年矣昨逆旅主人云將以此屋質於他  
姓審爾卜居亦殊費力主人謝客客殆不免適適然  
驚邪一笑作詩

郝嘉賓雖劣爲人營嚴茨招來噉名客不惜百萬訾宋行  
閒架稅堯夫失田廬賴得富彥國出券代官租鰥生百無  
似非隱亦非吏竊食倉庾氏瘠鰥聊避世偶愛韋曲勝尋  
幽傍蘭若有水卽滄浪有竹卽林下春結酒人社秋憩苾  
芻寮隈居象村臨花發慰蕭寥此卽專一壑何煩闢三徑  
晚牧應傳呼朝梵入清聽紫溪不可到遠近理還齊雲笈  
數十籠日精雨三畦龜指及蝸戴聽命于牀殼問孰運行  
是天隨謝機樵不逢揖參喜或惹鄭公嘆行儻惠民局拋  
卻半山墩

贈朱鼎父侍御

時以言  
事左遷

國病幽憂非一事敢陳宮府肅宜先精誠未許迴天譴雅  
志甯能以曲全龜解仍銜重旭照草焚不使萬人傳會須  
折檻旌臺職似勝君家畿令賢朱游越職上封事前史垂  
爲美談況君之職分固當  
言乎鄙言及之竊申明明河水鶴鳴  
之義非敢於古人有所軒輊也

### 懷瀨上西村

兒童扶杖過西村當日江袁二老尊江退谷丈與  
君往來最密先砭

俗雞蟲鄉鄙敬登山鸞鶴嘯歌存野梅蹋雪溪邊棹潭菊  
浮金石上罇題竹小詩應已漫忽驚老大客修門

### 錢光祿丈葦灣觀荷圖

夕趨青瑣闥曉策西郊路平林盡處眺湖光一雨空濛洗

佳趣紅雲散作千娉婷照水明妝靚無數微吟杜牧晚晴  
賦偷看風姿來白鷺捲簾西岫作屏風下瞰滄洲淨煙霧  
嶼孤三面已浮空剗卻不令車馬通身在江南畫圖裏閒  
划小舫碧油篷經過獵獵高荷下觥船淋浪浩如瀉游魚  
攪潏白蘋風還就亭邊酒人社眾賓皆醉日西斜翠蓋攀  
翻爭壓車南湖老人獨枯坐合丹戲折青蓮花

又極樂寺看花圖

尋春笑問春安在寫入橫綃錦作池爛占風光誰得似愛  
公拄杖過橋時

花時喧咽釧車來北榭東欄次第開會趁游蜂未知覺小

蠻榼倒紫萼苔

花壓西蜀珊瑚枝酒壓戎州綠荔枝但恨浣花翁少句嬌  
然含笑出疏籬

野筵客散暮歸闌花影如煙鎖院門還妬翻翻碧池月道

人常得伴黃昏

看海棠月下最宜惜隔  
手重城不能玩此清景

卷中蕭散酒人奇自署小長蘆釣師江南春早未歸去貪  
看酒頰生玉肌

覓香了自不可得此卽曹溪知見香一語天機拈出妙詩

家秀句鬥花光

丈詩云花能殊眾  
在無香翻案卻妙

醉倚東風絕代姝不施鉛粉與唇朱五年忘卻名花約起

覓城南舊酒徒

壬午春晚與潘孺初李尊客鄧伯訥出西

儒老獨坐梨花下戲曰諸君皆愛海棠此一時垂日鬢鬢

歸海南海訥公則奉使勘交南界未回也

看花百市人如海誰問金身倚一尋卻被拈花古佛笑從

渠開落總無心

思公野興多佳客時與歐梅共一尊

錢文僞自樞密出尹洛中事

故事

留眞普明院風流今日到雲孫

避俗

落葉閉閒門青蟲網蠹樊呼童掃竹徑讀易就松根亦有

巾兼屨并無琴與樽此中有淨土欲說已忘言

鼎父同年將南歸省覲走筆作歌送之近以困于吏役日暝意倦追述昔游煩茶失次知我者或不以爲嫌邪

憶昨相逢湖上時年餘二十未生髭墨客登場誇背距大

禮賦出千人雌

君少作南郊賦大閤賦筆力壯健同時意惟譚仲修明堂賦可相韻類

我時

齏鹽寄書局李

尊同譚黃

元均

常接躅精靈材力各飛揚

斂手推君時論篤山光照檻水環臺精廬突兀孤山隈按

圖相骨重神駿喚客披榛尋早梅明年君作鹿鳴客一鳴

聲華何籍籍弟兄聯騎入長安種出藍田雙白璧君留薊

北我淮南草屨輪君積思覃差幸鄰州得光氣何嫌同鍛

羽穆穆同治之末三報罷注嘗聯翩作中舍馬卿張季各  
不差出入槐陰直廬夜人閒茵溷無心值筵餅紅綾同拜  
賜飛翠君登玉署仙參牙我落倉曹吏旋看日下來漳居  
商推傳鈔詞百車移竹偕尋紫閣遠看山合刷翠微虛醉  
入丹崖相枕眠戒壇松聲潭柘泉起來萬壑雲如海俯視  
一氣心茫然春盤分饜銀絲膾秋社招邀成禊會中年衰  
疾動相關休日談諧游物外物外區中隨分過笑談與世  
殊曰科朝出探碑剝苔石夜眠畫鋌望星河崔浩事十年石  
火光中度耳聒米鹽心竹素時憂局索起橫流私著罪言  
何足數獨上排雲跼蒼闔規勢陳形意周匝日南之役兩

上言夜靜風雷環一榻我慙蠻府逐參軍君旋西臺冠惠  
文鑿空欲識條支卵說劍將求滄海君方今萬籟各瘖  
眾莫測君貌閒暇豈知一筵欲迴天敢獻愚忱赤墀下

聖恩暫譴終旌直會救緋魚復君職精誠白日自怡然知

與不知皆歎息

君謫官後沈君子培謂萬物皆流而金石獨止君之謂平居庭正觀察素不識君書

來歎息以爲

今之古人也兩卮春酒博親歡予能安之親亦安小別栖

真臥雲壑歸帆吾里上風灘君歸喜氣動鄰里獨我何堪

久留此人生離合不可常種柳湖邊十圍矣眼花頭白復

何裨卻憶不如年少時待我葢頭茅一把雞犬結社未嫌

遲

重送一首

平生出處驅蛩并一日離懷不可更我欲爲雲逐東野君  
眞叱石訪初平韋公夢自愛王室槐里經須教後生橘綠  
柑黃遠相逐江鄉風景不勝情

感舊二首

憶同騎款段隨意入桃花雨過看江色千帆映日斜風濤  
壯楚蜀豪傑弔魚蝦老友不可作青山黃鶴賒劉叔旣山  
長茶冕寶  
應人此述丁丑  
春游鄂州事

瀟灑吳公子桐江寒閣中台離廿年事南北兩飄蓬作吏  
如冰雪世緣多異同淮南秋色老游侶舉杯空吳禮闈太  
守寶儉泰

人興

野菊

野菊開時酒正濃  
花房排曲似窩蜂  
尋常陽木全彫落  
奇絕寒香耐過冬

欲效

昏雅啄啄葉疏疏  
霜柿紅稀摘漸無  
欲效蟄天蟲  
隱約春來魂志一齊蘇

鼎父臨別以坐臥具見遺復作六言絕句四首

竹垞老人坐具移來紅蕙山房  
從此倦禪打座更乞安心藥方

君去超然塵外我猶帶水拖泥別後江湖夢闌對牀風雨  
淒淒

浦陽文獻堪續穀水西頭墊巾未忘掃除宙合榻旁駒睡  
何人

笑我橐駝枯坐看君道氣偏多雲臥各專一壑他年分我  
煙蘿

喜松岑赦還至自塞上率成五首

華燈重照白頭新面帶微醒塞外春願我流連雞黍約邀  
君收拾水雲身詩芟季子秋笳怨牀對元常雪夜眞歲晏  
相看各努力渾忘兒女話悲辛

眼明方喜見華風未斲天機道豈窮浮瀨刊餘見眞實艱

危厯盡返冲融故人黃土碑新樹

訓章伯喈太守陶子綰學使張芝浦中丞先後

下世老學青氈樓晚豐

君留數日將仍返主萬全縣書院

耿耿未平惟一事

龍沙北扞陸渾戎

漸衰風味不嫌枯卻笑平生意氣癡磨蟻古來消日月  
魚今得忘江湖雄奇猶欲圖狼望留滯何妨狎狗屠且莫  
灘西招隱去嚴徐才句應時須

北泝南池舊泛舟自君之去罷清游重尋擬趁梅花信其  
醉依然竹葉斲炊玉國中難爛漫銷金鍋裏且沈浮彌天  
會合從連句題徧燕山八景樓

詩續丙

圭

卻憶舊時中執法

謂繩庵

近來消息斷知聞天寒上谷牛羊

下雲散西山鸞鶴羣

忽記戊寅秋西山燕游之樂

青坂久應原次律華

州偶未出參軍憑君爲報當時掾卻掃爐煙一炷熏

過潘孺老舊居裴徊久之時君歸瓊儋間已五年矣

有懷而作

王城隱者惟君獨虛和中有骨嶙峋今夜海南孤島月照

予衣上九衢塵

枕椰林裏君獨醉稚子飮牛初夜歸誰作海南人物志藤

床危坐膝穿時

園荒屋老無人問誰記龐眉舊散官猶有畸人手栽竹遶

離疏影十三竿

追懷薛桑根先生丙寅丁卯閒湖上讌游之樂

憶陪太守泛湖舟戲折花枝當酒籌紅袖拂筵教度曲白雲出洞對披裘題名翠掃千尋壁授簡魚銜一寸鉤更索何人賞佳句歸然苓落望山邱

寄酬張通副時奉使美日秘三國卽題其羊城話別圖後

通副江海姿氣劇羅浮碧曠然天機精飽探六峯籍黑頭早馮熊起家列霜戟吏能絕精敏疑滯無扞格備兵秦東門築壘障海嶺移幡監姑孰賸墅蠟游屐雕鐫出大句儒

史皆辟易兵符洞黃公談笑氣旁魄尤通四國故兜離搜  
島索星野補山經月竈窮地觚俄蒙前席

召敷奏

天顏憚安危參國論奉常攝典客載筆銅龍門借籌玉帳  
畫雍容資坐鎮表餌欣徐獲憶昨癸甲閒揮持九真役南  
征轔元黃北戶瘳蒼赤走時掾典屬填委職章檄飛膏治  
旁午起草連肝夕蛟鰓恣陸梁憤無長弓射倚公議泉涌  
發縱讐重譯披圖察亭堠嘆酒暖鋒鏑智囊未盡用事機  
多可惜公出擁兼城予留無六翮相見津門行媿予岸儒  
幘稍解魯酒圍未還秦廷壁公旋銜旌節雅材推鄭驪

聖書煩造請言語妙簡冊非公材莫勝浩淼重溟隔搏搏  
九萬里浮浮五牙舫方今圖王會方言欣采獲墨洲最馴  
順收我右臂益佛說西牛貨珍怍難變釋魏默深先生謂  
佛說四大洲之  
一西牛貨以今之喧傳天使來威儀殊方闢吹蠡伐雷鼓  
墨利加洲當之  
撞劍戲綠擲綠魚飛文波異鳥嗽鐵液銜雲璫杯雙照夜  
珠林百火輪日干程羊腴願未炙錢漫孤塗面字畫旁行  
革地雄俗良厚文物慕芾芻精誠開太蒙爾雅太蒙  
之人信雄辯  
聲樂石傳芭名王墳美前汗格蘭脫有惡政既沒而民思  
之采異花供養墓門者數十萬人此  
殆楚俗傳芭之遺邪樵翁桐酒天使席長拱軒轅都挂弓  
亦率屬致敬國人咸悅  
扶桑脊獨憂西紅海尉候見招迫翁張仰 廟算懷柔費

長策颺聲君虎步，隱吏予削迹。剛腸老馮唐，鬱律髮半白。  
展公敘別圖，樽酒黃甘蜜。要章榮上冢，畫錦被鄉陌。丹青  
寫離懷，蕭散倪老癖。倪中丞畫昨在海外書，發藥起痠蹇。顧慙  
才力衰，虛辱徵題責。夜深看劍氣，照我京洛宅。

臘不盡十日雪中西郊眺望

近條皆綴粉，遠樹亦妝瓊。皋禽與遙吹，一并作春聲。人外  
青霞客，煙中白玉京。清輝誰攝取，盡本巨然成。

矮松

矮松不滿尋，側倚窗簷讓。蓋若虬蟠形，枝如熊攬狀。夏涼  
風謾謾，赤日作屏障。春葩翦黃絕，吹落茶煙颺。雖無鴝伴

寒亦有粉供釀風月此呿吟戶庭招清曠匠石之所棄不  
材神轉王護以麤眼籬六氣吸天養歲久待茯苓晚資仙  
者餉昨宵雪蒙頭散花珠憶張此公亦好事戲與瓊藥抗  
人閒且託根何必淩絕嶂爾倘高千尺捎雲作濤浪予雖  
煙火軀便欲巢其上咫尺汗漫游無心逐禽向

座主崇公家小園中有花窖茅檐土壁製作樸野而  
入趣盎然小坐口占一絕

透日窗光不受風花煙續續玉叢叢不知門外塵如海春  
在先生土室中

時公謝病閒  
居二年餘矣

歲除日

言  
又饑殘冬逝早春南陔不泊每傷神紛紛世事劍頭峴錄  
錄勞生車腳薪責子空將梨與栗捐書久以俗妨真戴公  
山下如堪隱聞道蒼松已作鱗

詩續丙終

安般經集目錄

詩續丁

春日戲書

荅上榆垣三兄

同縣方古香丈年八十寄詩爲壽

人日蒿隱居士家夜集

一自

鍊心訣

晦日

虛名

送王王秋南歸

昨夜小集酒家意有所感賦呈仲弢

潘楊二老歌

潘先生存文昌人楊先生長年江甯人

懷鼎父山中

夜歸

寄鼎父

春雪微霽偕蒿隱小山子培仲弢陪李學士謙集天

甯寺

何祠曹南充人夜同宿省中談歷代果州人物欣然

有作

懷仲修

新會包大令招主景賢書院予久滯都下思南游一  
謁南皮師于越臺牽於吏役未能決去走筆作詩寄  
君立仁弟

懷均父時佐治決河在沛南

籬成

雨蒼復往盤山別業

次韻丁松生徵君和厲樊榭杭之龍興寺唐開成二  
年石幢詩

尊客遣妾戲作小詩調之

咏劉越石

出游

北地見杜鵑花

三月晦日獨遊東園折海棠一枝寘餅水中口占一絕

花落後

幽居戲作一首

趙新又太守六十初度寄詩爲壽

喜湛侯復來京師相見話舊悵然有贈

予與勉甫同爲主客署掾今年君六十矣於其初度

作小詩以侑觴

前詩意殊未盡隱憂時事又有不能顯言者復書二絕

小園

觀園中草木

雨後欣然短述

送洪文卿閣學奉使俄德諸國

卽事漫題四絕

樊不仵翁

余秋曹是我圖

吏舍阻雨不得歸郊西草堂戲同亞陶君實作二首

懷先塋

晚起簡老湛

不寐

送湛侯蕭寺已行矣寺中有一偃蓋松狀絕奇僧言數百年物也作一詩

題伯蘭宗室秋鐙課子圖

送黎華齋重使日本三首

臯禽一首贈子培

夜中讀北魏書

偶成

自八月十三日河決鄭州奪賈魯河南流

詔書頻繁出帑振災頻敕在事臣工堵塞漫口敬述一首  
尊客病起戲調以詩

觀融齋老人所作草隸

夜集

初入會典館口占一首

錢唐王郡丞屬題篝鐙課子圖

觀蠶池口舊胡神祠中所藏鳥獸蟲豸數百具胡巫  
以藥絮裝漬毛骨未腐植立如生亦異觀也戲綴以

詩

又咏風琴

前侍郎瑞安黃丈示所作古詩兩章行氣雄直文忠鯁之概觸境流露後世文士讀公集者覘公內養之所存當增長剛氣敬題長句奉呈

黃丈作金匱馬烈女詩借題發揮刺時寓憤不僅爲爲烈女言之也孫太僕許仙坪兩丈皆有和作影搖勁折危然有傷世之意太僕丈解官後年垂八十優游田里不見十餘年矣鄉關耆舊之思不能已於言也作詩用黃丈均以爲撫掌之資云爾光緒丁亥仲

冬月十又四日夜書

次韻孫太僕丈登茶山口占四十字付寺僧刻之石

上

次韻至賈村看梅

次韻黃侍郎餉泉物

易實甫改官浹中口占贈行聊發一笑

中舍吳君一日見其狂歌燕市旁若無人戲贈

夜與子川吏部入東華門

直房小睡聞茶沸聲

重次韻

再贈實甫

寄均甫沅南

尊老生日

謝四園

夢游富春山中訪紫閣隱者作

安般經集

詩續丁

芳郭鈍姿

春日戲書

丁亥

園吏漸成充隱局  
慵參擬乞時休  
告年過四十道未聞  
且假陳編資引導  
嘯詠誰家竹滿園  
婆娑偶出花敲帽  
客云祿命由人爲  
胡不獵取牂生與  
荅云君毋落吾事  
靈臺勿受萬物盜  
班嗣王續吾師乎  
數卷牀頭易兼老  
借問悠悠身後名  
那及當時一杯好

荅上榆垣三兄

祿不逮親存  
臧柯風不甯  
羈宦老于北  
佳節悽獨醒  
百口

雖相逐焉知弱年情尙憐 王父宗遺書抱頽楹系屬良  
未疎兩弟上有兄雖各治生業燕越肝膽并昨朝南鴻來  
示我田里行我宅睦親巷徑荒蓬翳甍兄樓枕蒼江盡日  
漁舟橫窗岫浮修眉泉虹萬巖縈十里遇叢竹五里山花  
明倒涵蒼江影瑩人心魂清豈知京洛塵簿領困期程歸  
與重歸與醉臥東皋壘

芳郭

地名袁氏世居之

不二里

復初公墓田諸孫謁元日渡江

擇墳年

先世傳儀家長率子姪元日展墓

左蟠九松

山名

蠶石拍桐君肩

不肖獨遠客心愧諸兄賢戴山 先丙舍煩九弟掃蠲生  
事葬祭闕三罪孰吾湔從弟代兄薦念之時顛眩我性癖

墳籍又耽邱壑緣欲刊淨利名世語盡屏捐中恐憂傷生  
栖心養空乎卻望後子孫康莊六經便吾欲外其身觀此  
芭蕉堅以官爲苓勃假藝作蹄筌惟餘志 親志耿耿未  
敢遷 先君志伊何日金石可穿經世治國病出世抱天  
全百墮不一修我涕潛潛然

萬山蟠蛟龍迴穴潭洞幽物氣有金寶人文獨溝壑棘下  
之所見吾鄉不知求江表之所聞里耳寒颼颼 先公欲  
廣之求友耆蒼收東京范與鄭欲訪中摧輶誰爲起劉蛻  
劉復愚破此荒榛邱廟雲出奇石伐翳導清流一還山川  
桐廬人妍再洗茅簁愁笑我筋力衰先業諒難訓此事付後來子

孫勤揮袖勿留千年恨勿貽山石羞我但謀斗酒與兄泛  
扁舟沿洄蒼江勝何事海嶽游飢食北谷稻倦臥西溪樓  
何知千載名白雲幻悠悠

同縣方古香丈年八十寄詩爲壽

奚止當年飲食恩造門父黨晚逾尊神臧大谷觀羣化氣  
壓崩濤養一源課子肄書黃柳社勸農扶杖白雲村簾中  
一卷兵家祕老去雄淵孰與論

道光庚子辛丑間定海之變丈曾上書浙帥汶上劉

公陳  
兵事

人日蒿隱居士家夜集

會者六人尊客子培小山仲弢主人及不佞也

微月風林梢華燈酒人社一堂集眾妙卮語碎金寫主人

治曲臺噫古斥拮擗壁張遼經幢筆仗靈芝亞東蠶有逸

筆隸勢潔而雅

其壁有高君心襲隸

衰遲觀令節薜蘿追林下

今夕消寒

五集原訂七人徐簡詞不至

擇術雖異流性韻諒同治執戟疲軼掌岸

巾便疏野庭披早花紅燭檢繡池炮擾擾京洛塵冥冥孤  
往者各含日新志入林臂同把

### 一自

一自西郊數月眠景含村落頗蕭然古陂高下深林夜玉  
磬一聲敲枕穿

### 鍊心訣

千峯頂上危刹懸崖風篁成韻冰壑砒雷十年面壁獨立

無耦左右蒼官若古師友亦參老佛野鼠銜髭齋心攝魅  
垂足然犀動無陵節靜不枯病動靜交養以復厥性室無  
侍者微聞清鐘潭沈玉冊行雨呼龍青天雨過忽見明月  
洞林谿衍紉鑑毛髮持照下方雲翳煙昏萬象清夷各還  
本根

晦日

晦日懷辰客

尊客自云以辰日生其家沿六朝人寄養之州呼之後乃更上一字風流似卯

君遙知箋老子一穗炷黃雲

虛名

虛名終自誤疲病好收身無月愛清夜未花招遠春堞浮

雲細細林谿水鱗鱗不值澆訛俗那成梅子眞

送王壬秋南歸

選符中祕罕兼長君獨能兼向與湯指畫雪山連北戒夢  
攜丹器侍西行來遊氣欲消疵癘往事眞難算海桑一鶴  
翩然遂南翥客星更去照何方

昨夜小集酒家意有所感賦呈仲弢

水閣前賢逝不留存遭按劍壁空投離筵箭有東南美濁  
世金看日夜流豈少長弓射青海

座客談西僧棍  
嚙紫拉參戰事終令弊

麗臥丹邱花前判倒荔支綠萬感人間醉卽休

潘楊二老歌

潘先生存文昌人楊  
先生長年江甯人

何者爲景星嶺南潘孺初何者爲焦明朴庵楊子如古心  
涵炯炯道論出徐徐龐公洲上耕瞿硎松下廬見則天下  
穰民物登几遽懷哉二老賢人物康熙餘生不事

景陵光燭間浮淤我欲往從之德心我獵漁歡言奉卮酒  
氣和春景舒不知是何世花益茅欄除

懷鼎父山中

感君忠孝性黯淡不知春言從雪霏別俄及花開晨節行  
我久情詩書浩難陳苦負平生期不免爲凡民憐恹未刻  
除識路旋迷津小悟電一瞥恐復墮昏塵端賴慎獨力淬  
礪詩天真息息勤噴養冥冥抱孤齋名根斂浮豔佳實斂

枯筇高藝捐曹嗜冲襟勁無鄰苟隨世好遷九流無孟苟  
當其雕炙沸目笑斥羣倫毀譽久乃定自信後當伸山中  
何所有日與麝履羣白雲爲枕屏溪水鏗韶鈞不知山中  
夕景光能日新我無藥石資何用爪兼鱗

夜歸

東林疎鐘動乃自西林迴背郭多名藍陳迹遼金灰風流  
竹垞宅今亦安在哉卜與灌畦鄰長鑣歸去來

寄鼎父

越客垂垂老燕嵐樹樹斂溟濛幾重霧蕭瑟兩孤雲謫去  
江湖樂憂來民物瘞滔滔厄日漏不獨念離羣

春雪微霽偕蒿隱小山子培仲攷陪李學士讌集天甯寺

浮世雲海幻刹宇兀然存層邱雖數仞孤聳削昆侖縱橫  
赤華舍郭畫蒼石根逸興集羣彥令德出高言劇談雲泉  
涌眾壑湊一源漠漠霧猶漬西山嵐氣昏銀粟鋪平田孤  
煙表遠村塔光漏日腳雕勢投松門竹偃殘雪潤亭虛暝  
雲吞夕策酒人散追摹情景門歸來天宇豁華月滿前軒  
何祠曹南充人夜同宿省中談歷代果州人物欣然  
有作  
與君同作沈冥吏見說南充意更平共掬空庭斐藻影喜

參石室鉢盂緣鸞箋修史陳承祚翠袖凌風謝自然何似  
湛冥蜀嚴好卜塵飲水自能仙

懷仲修

陌頭花發每思公心與春流盡日東文範猶爲萬家長漫  
郎今隱一壺中殺青聞竟三千牘君文集都寫定校刻裁竟縛竹思尋  
五百弓便欲與君投劾去西谿水暖戲鳬翁

新會包大令招主景賢書院子久滯都下思南游一  
謁南皮師于越臺牽於吏役未能決去走筆作詩寄  
君立仁弟

昏昏閉窗日下鶴不使一舉識天地之園方丹沙久欲採

句漏洗我洞壑槎牙腸吾師持節督桂海一柱截葉天南

疆威名幾歲聳草木聲教久已銷遐荒包咸受指走書幣

邀我席暝名山藏白沙老人迹已往霽月照耀枕榔鄉當

時容經擬鄒嶧偶爾薦辟膺邢彭

祭酒邢讓布政使彭韶實薦文恭于朝

金緒論耿猶在餘興逸筆神龍翔

子嘗見陳文恭大草詩牌于長安市中勁逸冲

融一見

驚絕如坐陽春臺中負劍語履迹如此何況張李之徒

日侍親顏行

張謝李承箕

灑然脫落文字外八儒三墨真秕糠

時危若使異人出亦能簫勺疵癘迴天光嗟予廢學久柴

腹安取疥壁前微堂敢云學道堅嚮往但畏挾筴嗤亡羊

君立湛深癖油素勃窣理窟承義方如堯夫侍范魏國佐

畫尉候夷陸梁濟時兼攬阮

文林忠

軌張喻金鎖探珠囊

昶也縱與侏儒飢守玉桂國願覩弧矢垂寒芒冥鴻南飛  
雖不得達千山千水雲蒼蒼待看驅除氛翳掃寥廓尙有  
健筆能賦吾師功成身遂平泉莊

懷均甫時佐治決河在沛南

施子文章倚豪橫近聞河上督樵薪別來春月已三疊醉  
後新篇時一鱗累璽曾親績西域射蛟今更攬東秦鵲華  
好景憑囊取飴我監門酒幾巡

籬成

一院枝交蕘凌亂晚松色自從作箇籬界破茶煙直

自搖風嫋嫋斜貼月疎疎不隔西林響時時聞木魚

雨蒼復往盤山別業

借問盤中樂新居幾日成壁松穿檻出礮水入廚鳴靜氣  
木夔攝佛光山鳥驚夷然香飴熟野老席無爭

次韻丁松生徵君和厲樊榭杭之龍興寺唐開成二  
年石幢詩

西城刹遠塵游屨曩曾踏東城樊榭栖披記可數闔百六  
十餘春劫火秦灰雜人往詩石存徵君耆螺蛤光騰陀羅  
幢梁刹雲煙納榜題名屢漫彈指電空欲遺民漸蠶房影  
枕夕陽塢湖上釣師歸歌呼酒人合十寶佛髻空市衲衝

雨還誰來尋勝幢今隸辨周市瘠者厲與丁前後洗甌掬  
知鏤石經年追縛文宗臘雖遜吉金古幸逃長繩拉詩石  
兩俱壽淨因傳胸衲歸哉訂同參爛漫米汁榼

尊客遣妾戲作小詩調之

樂天春日放楊枝自起研朱點楚詞綠鬟信非娛老物蕭  
齋相伴有山梔

柳半黃時絮已飛送春春逐小蠻歸向來綺語憑刪薤坐  
守黃庭長帶圍

道人天眼淨繁華肯逐城東俠少車天老幾曾教素女嬰  
兒戲遣煉黃芽

言解  
咏劉越石

晉陽笳吹陣如雲  
慷慨登壇國士聞  
誰識石家金谷裏  
等閒曾醉石榴裙

出游

髡柳微微弄翠妖  
桃的的含朱巷  
北坊南春早  
東風綠到  
蘼蕪

北地見杜鵑花

吾鄉躑躅賤爛漫紅滿谷  
樵者曾勿顧搖風誰采掇  
北地花一叢  
深色直兼金  
根移一片木  
蒼玉含煙鎖  
入朱門  
深定窰花  
蘂施錦幃  
佳人愛護未肯簪  
遭時貴賤有如此朝

出瘴鄉暮珂里乃知豐沛功臣甲第高初亦材堪廝養耳  
三月晦日獨遊東園折海棠一枝寘餅水中口占一  
絕  
幸無風雨損年華自汲清泉養折花欲繫餘春游物外相  
要避世玉皇家

花落後

閱久繁華無據翻憐綠葉清陰照我研朱解老移情不待  
眠琴

幽居戲作一首

幽居事業猶媿負朝出歸來常日曛交花迴看關邗尹新

竹數到幾仍雲小池新穿林影碎宿羽乍起窗光分江鄉  
所知若相問篤喜種果報書云

趙新又太守六十初度寄詩爲壽

郡將古之狷湛思喜孤縱九流恣擿斥三史常闡誦藏身  
軍器監俯仰淡言中官書如束筭下筆掃枯葑面如古松  
皴髮作禿鶴種鍛非嵇生床汲類丈人甕時呼老兵語出  
挾跛奚共龍鍾或相嘲榮散不驚眾豈知公壯日豪健箭  
飛輕逐賊河淮閒露布讐梁宋朝馳百檄怒風鐸撥羣幪  
暮作千詩雄鯨鏗股壘空雲蹲兵氣慄日落禽聲悲急裝  
壓鞞刀渴酒飲馬湫陰符動見詔掛客行臺重功成拂衣

歸湖上尋春夢襲其居龍技翻作瑯嶼用試帆冠千人賦  
成吐一鳳桑根老詞伯壇坫方平聞東南弟子籍君來顏  
色空湖舫荷花鮮山橋嵐翠擁登臨捫高蘿吹鶴瞰懸淙  
醉歌誰先成妙語雜諧諷大府禮致之摘髭旋鄉貢墨義  
徒相困黃眉乃虛控溫溫聊試吏事變迭礪礪孰予思愈  
揮閱世鑒乃洞前年喜見君婉挾寸莛撞大句頻枉訓霽  
色捲氛雩子才猶盛年老學資折衷箋姚碎金出癖左千  
絲總君爲古文辭類纂作箋注此書將來流傳殆與蕭選  
相角君注卽曹憲李善也君又著左氏內傳質疑  
於時推武庫應取作采棟易州潞美政樂職徐作頌大郡  
待發矧蕭然屏張供公平著作材應參石渠從老屋憶花

南書倉斥餘俸名心刊已淨耆古乃彌犴童顏老復丁名  
理釋冰凍願奏鶴南飛不辭腰筇弄

喜湛侯復來京師相見話舊悵然有贈

何處論心地南譙黃葉村幾年離合輓垂老入修門君隱  
青油幕飄搖江海樽流年迫霜鬚豪健筆猶存我飽一囊  
粟陰符倦披繙苦思三畝宅重閉煙嵐昏世機久厭觸六  
鑿讎道根今朝一放懷故人笑顏溫尚憶化書譚

謂仲修疲

鶴欲辭軒何時併一處雄談角幢旛濩落不足羞文詞百  
車屯所惜平生期六副困籬樊心如孤月光炯照濁水源  
晚餘聞道志世法破蝨禪相期慰夙抱陵厲念彌敦

孤蘭空山中幽人相媚好物微有相感不隔千里道移之  
朱門益顏色日枯燥古劍青黯黯佩之金石保願得一心  
人光芒拭西顥丈夫運有窮所遇常草草時來侏儒奮時  
去賢聖槁但恨歲月遒勵志苦不早南山有勁木蹊絕斤  
斧討雲臥丹邱深千歲養合抱不恤一時譽天風吹浩浩  
漆女多苦心志士多苦吟地迴短舞窄氣挾長溟深攬君  
千首詩名理善鉤沈繭足入黔蜀高言寫登臨興微含眾  
妙酒熟成孤斟清駛秋石瀨渺綿春江潯詩境差擬之亦  
足撞堅金

皇路將情夷宏詞試璆琳身榮未爲晚璇瑟待知音顯晦

固有時無爲歎盈襟

予與勉甫同爲主客署掾今年君六十矣於其初度  
作小詩以侑觴

掾曹接迹府中趨局束枝官自厭麤賴有兩忘身世者蕭  
然齊物等榮枯

閱世金門四十年 淀園舊夢付雲煙  
期亭沈文忠公寓校文字下榻園中最久 微文諧笑工爲隱曾習先豐諸老先

早歲論文沈邵位西 追壯游大府典文移元都朝士莫相

笑草檄飛書挾二奇

閣吏相隨隱五雲  
前同官內閣 語蠶又逐作參軍他年卜築招

君隱水竹雲栖割半分

工爲章奏弱豪強老佩金魚漫作郎剖竹明朝監海國雄  
文鞭鰐等驅羊

委沙搏翼帝京篇彈指飛沈角醜妍人海智深誰得似步  
兵以酒養天全

東園簿領如山積敗葉資君刀發硯吏散鱸薰觀一炷未  
妨危坐學黃庭

南池荷芰一時新長憶湖樓合野筠龍井茶甘虎爪笋壽  
君鄉味最宜人

前詩意未盡隱憂時事又有不能顯言者復書一絕

漢文有道吏生孫北頓南作銜轡存柔靜似聞師苦縣與  
君佐吏憺無言

平生學豈適俗資陽瘖終覺負清時竟爾庭前參栢子偉  
長中論倘吾師

小園

世緣激宕似機春日夜攻吾礪硌胸誰築心城高帖帖自  
張天樂意溶溶籬瓜蔓弱頻支架岸蓼莖肥待作筍一雨  
小園堪百市槿花紅似木芙蓉

觀園中草木

朝菌圓嫣紅自榮還自落瓠花如靜女寒斂縞袖薄女蘿

蔓青松脆物貞標託有如巖栖姿俯被塵囂縛澀桃如苦  
李幸免鑽核虐餘陰蘇陪臺暑夕風露約棠梨果璅細得  
雨青的鑠蟲烏欣資糧穿孔恣鑽嚼瓜如懸石乳藤上高  
林絡吾亦營一飽羹臚良不惡天地大果蔽此語非諧謔  
溼陰與浮陽箇中消息著吾欲參究竟金商掃秋穽物生  
與俱生眞觀謝止泊南牆老竹笑方解紫粉籜虛已吾獨  
存長年秀籬落詭哉觀物篇聊作朝飢藥

雨後欣然短述

泣林雨初闌穿雲電俄寂暗蟲稍緣階疲馬方仰櫪幢幢  
竹遮燈獵獵薜衣壁倨堂偶讀書佳處供一摘惜無堂下

客糟魄相諷激時有涼風來空簷墜殘滴

送洪文卿閣學奉使俄德諸國

詔持龍節度西溟又捧

天書問北庭

神禹久思窮亥步孔融真遣案丁零遙知汎極雙旌駐應  
見神州一髮青直待車書通絕徼歸來扈蹕禪亭亭

聲華籍籍侍中居清切承明出入廬早擅多聞箋豹鼠親

圖異物到邛虛工名幾勒黃龍艦

德殿督造鎮艦

國語新銜赤雀

書爭識威儀迎漢使吹螺伐鼓出穹岡

竹枝異域詞重譜

尤悔庵有外國竹枝詞君之鄉先輩也

敕勒風吹草又低

候館花開赤瓔珞周廬瓦覆碧流黎異魚飛出天池北神  
馬徠從雪嶺西寫入夷堅支乙志殺青他日試標題  
不嫌敗我鳳池頭潭思珠鈴佐

廟謀 敕賜重臣雙白璧圖開生絹九瀛洲茯苓賦有林  
牙誦苜蓿花隨驛使稠接伴中朝人第一君家景伯舊風  
流

卽事漫題四絕

東廨作

蕭然一畝竹蕪歲無人治略似柱下史沈冥我所師  
土山青幾仞遠樹望皆圓偶來高樹下風曳一聲蟬  
連雨苔蘚合今朝一放晴伽藍塔燈出草樹稚青生

雲餘巒光奇石簇苔錦麗涼籟靜中生遙空入秋霽

戲題摸不倒翁

是翁造請應不妄榮辱都將物論齊誰謂眼前行路窄充然試隱一丸泥

腳工踣地腹能空俯仰俳諧一笑中祇以滑稽全汝壽卻防手滑到兒童

余秋曹是我圖

性不諧時著惡因翹生風味可延年戲將我見消人見豈但形全定德全爲吏身猶白雲隱築堂坊以碧雞傳何如蟬蛻泥汙去飲啄金華小洞天

吏舍阻雨不得歸郊西草堂戲同亞陶君實作二首  
荒園積雨欲沈山巖氣全青石髮斑細水匯鳴琴澌澌枯  
池新漲碧潏潏折腰竹似枝官懶署尾文應敗葉刪笑約  
俞兄喚徐丈杯湖同泛芥舟還

危亭指竺院藏山空腹楸花臥石斑不待鳥呼泥滑滑微  
吟簾捲雨潏潏林衣蟲鏤先予脫詩穴狐搜待予刪卻似  
灤東留瘦杜柑園不遣笋鞵還

懷 先塋敬賦一章

戴生柑酒流連處西日川明一谷霞貞石未鵲封馬鬣梵  
宮環峙問牛車養 親不洎悲三釜營葬何須實萬家誰

識黃公廬誦意吏能無狀一長嗟

平生雅慕黃忠端公歸隱石養山聚徒講學事

第賤性疏倪久不能決  
浮沈曹署非其好也

### 晚起簡老湛

朝暎射庭樹窗光眩黃綠鳥啼去復來  
鱸煙斷還續忽念鄭老同襟期睡起  
楚然遲芳躅飄零江海各安之卻憶尋  
春蕭寺時早期其灌黃精圃誰識相逢  
丹稜陂清淺玉河橋畔水殷勤來照鬢  
如絲

### 不寐

四十又過二未博專城居橫陳困朱墨  
舊業廢蟲魚更較秋光薄

宋人詩秋光都似宦情薄

全慳野興疏行藏徒四壁蟲語正愁

予

送湛侯蕭寺已行矣寺中有一偃蓋松狀絕奇僧言  
數百年物也爲作一詩

遠別難爲顏昨暮與君期我來君已去去之沅湘湄

君改官湘

南

入門風吹衣爛然花照籬孤松白日臥龍髯露下垂中

宵挾雷雨奔湊百靈馳興亡閱金元蒼官羅羣兒元鶴久  
不來微微玉笙吹宛如強項吏偃蹇而偏奇國門此再別  
軒車來何時賴此碧樹色猶留爾姿儀徘徊重徘徊塞我  
路歧思

伯蘭宗室屬題秋燈課子圖

國初讓王風翼戴儲禎基

禮烈親王諱代善以讓儲成名如吳太伯厥後世有賢王見姚

先生館所爲禮恭親王諱永恩傳嗚呼天道可知已

異代黃漳浦書之慨然思怡然

松相國

文清公筠

老受叔父咎所以立邀功西招馴番夷孝友

教所先不待出戶知天潢饒賢裔蒸氣生菌芝道存早論

教六藝勤耘舊燈火漸可親義取城南詩王室方多故國

器時所資爲君述其大以爲右塾規

### 送黎尊齋觀察重使日本三首

黎君憂世不然而談笑與人殊曰科銜詔重游看浴日浮

梁積氣欲鞭撻東京祭酒搜苓誼西海波臣入禮羅

歐美諸國

行人皆集于彼俱煩聯屬以

曾宿扶桑花下客傾城士女

通裔夏之情故常爲重任

迂涪播

寶洲文字源流其物望愉愉眾所歸甚欲津梁移彼俗不  
輕凌厲示天威仙官持節三韓遠策士空談五餌非陸賈  
歸來獻新語待看鳴玉對天扉

黔南竹箭晚相逢還憶邵亭舊禿翁幻世魚龍生百感頽  
流金石仗孤忠隱諧柱下休工我決塞宣房欲付公暫遣  
東探日窟去蒼蚪夾送艦浮空

君先世蜀人而徙黔  
與莫子偲丈有連

皋禽一首贈子培

皋禽之喚精誠徹穹修士閉門危行如銅寒暑不鑠處悴  
而豐何以爍飢簡冊所叢古今蹟矣言觀其通有時孤往

蕭瑟泓曄大野曠邈霽暘晦明瞻彼西山倚劍削成清秋  
平原栖畝稼杭氣何沆寥林衣脫晴雲水澄鮮樵牧縱橫  
觀萬物之淒緊知予化之所貞歸休乎棲真之廬偃息乎  
防意之城野老爭席竈媪不驚宇定止觀天光微明黠黠  
雷殷蜩號矢精神將來牖毋爲物攫我懷我友離物屬情  
智如元和之老識古書之僞正待夫君之發藥叩予寂而  
求聲擺落世語整齊心兵道德之囿爰獵爰耕予擷其實  
我餐其英華實相勵功用是程庶期之以炳燭免擿埴而  
冥行

夜中讀北魏書

掾省佚屏栖未爲時擯暝姚頽諍吏節虛荷府公仁感此

檐宇夕寒檠一編陳竊慕高公傳

伯恭高文公

爲郎三十春陋

室惟鹽齏諸子救樵薪湛冥人不徙超然趣彌新悟彼北  
叟詩卑棲養靈真欣懽情旣混得喪理庶均尙恥鄉原迹  
頗懷危論伸曩賢何所餉法律返諸身獨坐光罔罔窗虛  
松月親

偶成

松下微風作籟竹閒殘月窺人政爾曹溪一卷禮殘觀土  
三身

自八月十三日河決鄭州奪賈魯河南流

言  
詔書頻繁出帑振災敕在事臣工堵塞漫口敬述一首  
元代財殫賈魯河忽聞決處奪流過誰驅龍鬼浮空下奈  
付蠹沙造物何湛玉祇愁淇竹盡捐金虛費水衡多  
聖慈頻撤封椿賜早晚宣房趣奏歌

尊客病起戲調以詩

偶承示疾意充然乍起甯資服散緣知見香留消蕙歎句  
文身在鬪蕉堅人閒鸞翮迴中散池上楊枝繫樂天更約  
窮探翠微勝試攜竹杖已輕便

觀融齋老人所作草隸

右軍偶作崩雲勢中散本是餐霞人不須演孔刮老佛新

沐無言自寫真

先生臂痛廢書時悟澈南宗妙決疑

先生晚年著論書訣一卷謂北宗鄭道昭

與南宗鶴銘蕭憺并闕諸石同一氣格極有微解

下筆枯中生氣翳萬年藤絡禿

松枝

夜集

月華如水地凝脂妙集時賢把酒卮長令擬翻金縷曲清

歌爲喚木腸兒

座有吳生善謳

樽前綠鬢相看健檻外流雲欲去

遲待買嵩陽吹籥婢應傾北海作碑資

李萼老戲語如此

初入會典館口占一首

蕉萃枝官十五年結銜清切幾揚前忽驚杜老開元日預

言系一  
校江陵萬厯編前明萬厯中重修會典江陵張文忠公實董其事增詞簡勝於宏治十年官修本  
掌故久輸量令熟官儀誰似衛宏箋祇慚混沌施瑯飾浪  
費官餐太府錢

錢唐王郡丞屬題籀鑑課子圖

趙繚者何慈母鍼伊軋者何寒機吟黯黹者何電不黔青  
熒者何燈火深藁砧遠游授兒讀白日短短松明續兒讀  
不勤顏不怡暗雨酸風爆雞卜君不見錢唐沈氏女王氏  
母茹苦食淡操箕帚勞事不居宛若後羹湯持底報姑恩  
冬月常教戰兩手君舅橐筆南海頭客葬驕魂遠藥洲伯  
仲請行以故留藁砧最少血淚流桓山之禽毛羽短悲啼

中夜寒飈颺陸衝饒虎津無舟衣履皆穿雪霧愁喉中吳  
語粵叟喁開關負骨歸鄉邱翻身復作嶺南客二十年閒  
少書尺別時苦語重丁甯以兒累若傳一經年荒飢掘臍  
此食使兒舖糜全汝形一男中摧二男弱門戶誰持生事  
薄大麥青青小麥枯兒不菑畝那求穫指挂艱難秋復春  
兒勝執爨作王人所天未睹兒成立晚蒙神祐轉悲辛父  
兮兒寒母兒飢兒免寒飢今遺誰恨身不如烏返哺長伴  
篝燈傍母慈君不聞錢唐高行麗京老遠客丹厓縉絕島  
有子零丁名陸寅學成蓬戶春迴槁我亦孤根鍛羽身墓  
田丙舍黯傷神輸君輓粟勤王事猶博當年祿泊親

觀蠶池口舊胡神祠中所藏鳥獸蟲豸數百具胡巫  
以藥絮裝漬毛骨未腐植立如生亦異觀也戲綴以

詩 祠今歸  
奉宸苑

誰遣犁軒與偃師寓真于幻復奚爲巧留化蝶莊生迹欲  
費圖魚郭璞辭蝸笑麀兵誰犄角豹驚失霧尙留皮何當  
飲器西龕得萬里頭顱漆月支

蕃漢芸生盡控搏不煩捏埭洎雕剗大千人爲物之盜字  
爲母猴也故借  
虛字對實字 十二辰蟲如是觀化腐作奇誠狡獪卽空

求色費譏彈轉輪笑問空王度六道超生一道難

百蟲雅擅將軍號誰得其皮與骨俱有萬不同殊竅妙滿

堂觀者盡盧胡胥疏往日難馴性雄猛何人敢捋鬚試遣  
黃初平叱起刀圭一粒出丹爐

當時獵網免充庖此日跳梁不避敖封冊例援雞九錫物  
名疏禿兔千豪吳碑侈說銀麕瑞漢雅重將白雉褒爲問  
尻加雕俎貴何如尾曳濁泥高

野情妙得無人態卻似崇師擅寫生蠅不畏冰仍鼓翅鷹  
如入畫正駢睛飛鳧豈待通銀海異鳥還傳噉鐵精供奉  
應催蕭尺木補圖爾雅獻

西清

不調幻藥灑生綃

荆公題  
畫句意

毛羽經年訝未彫望似木雞

眞養到潤如石燕總難描鼠肝聊付荒唐喻兔角翻資解  
脫嘲疑有千年蛻龍骨好憑風雨致煙霄

胡祠已掃百年塵仙仗還晞

蘭館巡望幸倘迴

天一笑登臺復與物皆春亦開犀布珠厓略

漢書西域傳贊中語未

害琬機玉燭新能致遠方殊異物一時解角軼材馴

秘殿羣公博物資退朝選勝雅談宜宛懸馬格搜神駿不  
待犀燃燭恠奇使者胡柯通大夏

君王按劍問黃支豈徒璅細科方物蟲略禽經作補遺

皇朝

通志有昆蟲草木略  
補鄭漁仲所未及

又咏風琴

那有頻伽音絕妙祇將條伴冒琴名略如漢樂翁離壯併  
入胡歌救勒轟竹肉樂中誰識理松風海外亦傳聲曲終  
想有天花散兜率宮看下界晴

前侍郎瑞安黃丈垂示所作古詩兩章典贈之中行  
氣雄直丈忠鯁之槩觸境流露後世讀公集者藉是  
測公內養之所存其激厲頑懦增長剛氣宜如何也  
敬題長句

郊西窳波列崢嶸落日往往鐘魚鳴翠微巖秀林表見花  
市簇簇千房晴頗疑地僻遠朝市國初逸老廬幽貞丈人

玉立氣高邁，傲宅面勢精。藍橫捎雲勁，木起公意槐。屋表

裏愛深，明幾年輶軒淮海上。表微儒史搜精英，窮經皓首

汪江輩

謂朱竹君實始表章江慎修汪雙池兩先生上其遺書列于祕閣

不遇筭河疇發

蠶酒酣多難念，王室赤手憤欲屠。長鯨密疏開，諜最爲害

驅除左道安疲氓。丈人忠審信天得，利劍不腐鋤奸萌。還

朝封事甘左授，肝腸鬱律排霄崢。孔融剛疏汲黯慤，皎日

破霧長空晶。孤生宜爲時所棄，每荷刀布賙飢倉。昨來垂

示兩秋月

杜句兩章對秋月

澡滌六鑿誅三彭，餘姿逸筆出雄句

千巖木脫寒潭清，霜鐘撼壁鶴孤唳。冰阪九折車雷轟，識

微睹指感我意。讜議可寢，淮南兵公平謀解。蠃紫去雁宕

武夷鉞笠行遮留朝士得依倚耆舊典刑鉞後生嗚呼元祐初年直臣出鐵漢獨重劉元城公平且擺落世語暫游物外陶襟情

黃丈作金匱馬烈女詩借題發揮刺時寓憤不僅爲烈女言之也孫太僕許仙坪兩丈皆有和作其詞影搖勁折危然有傷世之意邇未見烈女傳狀故不復綴一語獨念諸老意緒忼慨不佞處卑且賤於近事亦未能忘漆室之憂太僕師自解官後年垂八十優游田里不見十餘年矣鄉關耆舊之思不能已於言也作詩用黃丈均以爲撫掌之資云爾光緒丁亥仲

冬月十又四日夜書

世上高官浪趨走鼎貴當年神已朽黃金橫帶顏輔搖坐  
令黠虜發蒙振落嗤枯條孔光胡廣相季孟羞見梁溪女  
奇行梁溪大儒顧高不可作餘風所漸尙有烈女能致命  
闡幽大筆黃侍郎摹寫義烈神陽陽和者太僕風格老平  
生歸方長瓣香兩詩雄深排宕詞不怒筆如神虬盤拏觀  
者怖後來賡續豫章許各樹麾幢闢魑路恨無青瑤玉上  
與三公舟

荆公詩恨無瑤玉與公舟舟字虛用本毛詩

三公材堪佐

廟謀胡爲百鍊剛坐迫遶指柔精誠排雲叫蒼闔九關煙  
霧將誰尤跛胙飛上太山牧肘腋神州奸所伏耳不聞唐

衢賈生哭幾見南北尉候清

皇服徒令波濤入筆託雄詞士氣不伸甯國福忽懷牙曠  
演溪濱精舍少年今積薪陸沈短簿髯參裏矯首朱霞天  
半人不見公顏見手筆波磔眉強詞清新罷歸望實益清  
峻老來肝膽還輪囷欲往求公黃石略卻嫌留滯帝京塵  
次韻瑞安孫公登茶山口占四十字付寺僧刻之石

上

不識茶山趣興公竹杖經佛迎人面紫詩斲石龕青欲訪  
孤嶼妙重瞻羣鶴形肅然兩物外朝鼓久忘聽韓句不歸曉鼓朝安  
眠聽  
逢逢

次韻至賈村看梅

棄官身入香雪海拄杖敲扉偶遶村長憶從游湖上屨孤  
山放霽水邊門丹沙姹女營千裏黃月窺人伴一尊此老  
風流今未減豫章孤詣試拈論

漁洋有園林半樹景幽偏  
豫章孤詣何人解之句蓋

指山谷評摘林  
處士梅花句也

次韻黃侍郎餉泉物署曰欠敬盡沿外官與京官交  
際俗例侍郎官臺省豈猶以外官自居耶戲答一首  
夏蟲妄士每疑冰醫俗高流破陌塍題此黃柑函百顆和  
難白雪閣千層遠投楚菊餐同粥莫遣崔梨世議蒸久矣  
先生消內熱不煩帶暑笑徐陵

易實甫改官汴中口占贈行聊發一笑

幽州萬士鈍如椎易子詞鋒箭鏃偕卻源望衡聽夜讀庚辰  
辛巳閒與君同巷對霤而居然相見極稀子或夜分  
歸聞君吟諷聲琅然不輟輒欣然駐聽而君不知也其如  
靈雨歎晨乖湘中白雲辭紫蓋河上長菱牽溼蘚不須喚  
起遺山老擷取中州品藻佳

中舍吳君一日見其狂歌燕市旁若無人戲賦此

把酒喧呼狎老兵飄零婁護寄侯鯖迷陽迷陽調楚客負  
劍負劍笑荆卿略遣風雲策才思起看箕斗撒縱橫長歌  
一曲狂疏甚已被兒童識姓名

夜與子川吏部入東華門

言解一  
三  
兀兀小車如號舍載將疲象休泥身疏星磊磊耿相照空  
碧泠泠不受塵禁樹橫眠瘦蛟影玉池凍合石鯨鱗記取  
長庚伴明月雁行抱牘兩畸人

小睡西掖門直房覺乃聞茶沸聲

邯鄲枕上喚未醒忽聞遠山泉一鳴  
潯沸聲從茶鼎出覺來道士失彌明

三人促膝一團焦七椀微風若可招  
渾忘嚴裝直廬外韉鳴上殿海生潮

重次韻

邊環幾箇如筭束腹涵鱗甲長官身西天雷翳黃海寺都

護羽書紅柳塵

是夕得衛藏邊報

綠文梵表貝爲葉皓月瓦溝金

作鱗還倚推枰工快事好憑長算靖王人

再贈實甫

日月無停輪身世兩俱病波瀾吹九寓詎保金石性貫晃  
議截鶴索甌謀煮鏡刻其熒熒暉楷彼晶晶行世緣不可  
必外物如相檄一官重自縛未知所究竟何似安故巢鷗  
栖託微命陸沈希潛夫著論差自慶君言非本謀生事劇  
奔迸祿養期周磐敢擇喧與靚迅流縱方舟欲纜不可更  
泮生坐三歎迫此風雨橫

汲中金隄潰竹箭趨彭門議塞久不快立水無王尊君去

倘督役伐石蒼山根盤錯試吏事刮掃文字樊譬已作新  
嬾職當治盤飧翻懼昔所學實少枝葉繁世議不易排浮  
譽亦相扔毀譽俱不眩柴立槁木芑寶刀藏乃瑩絕利守  
一源勿以多端歧烹魚去其煩漸漬業乃就振動媒謗言  
稍稍養六翻糴糴得孤鶩一雪書生恥治行謝姝媛

呂成公論易恆卦之義以爲立天下之大功必漸漬  
膠固然後有成若振動躁擾暫作易輟安能成功此  
至言也援此以竊附古人贈言之誼實甫亦將有以  
藥石我乎

寄均甫濟南

海內文筆李

蕙譚仲修

施卻似黨辛常別離施子胸羅九邊

略濟南水窟千山奇縱觀河圖括地象已罷竹工槌石留

君來書云利津挖河之

嗟予憊矣卷甲退晚師苦縣甘爲

役已歲方閉門讀易

雌

### 尊老生日

六十爲郎未厭遲銅駝陌上墊巾宜歸然風節和應寡妙  
得天機知者誰鑑曲笠筇追賀老鐵厓樂府冠元詩由來  
越國山川逸借取才名重

### 聖時

猩紅花照鵝黃酒破臘年前已得春晚覺方瞳健勝昔坐

忘帶孔瘦移旬讀穿飢朔三冬史生後髯坡九日身腰腳  
明年問何似南郊鳴玉侍祠臣

謝四圍

此子口微吃  
故六句及之

憐渠最小未成丁老我陶潛酒一瓶欲遣耕耘報禾絹幾  
能雄猛作甯馨未隨宗武催編冊莫學揚雲苦擬經瓊球  
長應依膝下不須歎也相而形觀蒙莊稱九方歎相南伯  
子綦之子云云殆以不材  
爲福  
邪

夢游富春山中訪紫閣隱者作

突兀溪堂四面霞道人騎鹿飢胡麻扣門挂壁帷巾屨西  
澗浮來一片花

詩續丁終